

**Radio - televizija**  
**Federacije Bosne i Hercegovine**

**Pravilnik o unutrašnjoj organizacionoj strukturi**  
**Radio - televizije**  
**Federacije Bosne i Hercegovine**

**U Sarajevu, mart/ožujak 2013.godine**

Na osnovu članova 10. stav 4., 28. tačka a) i 37. tačka f) Zakona o Javnom servisu Radio – televizije Federacije Bosne i Hercegovine („Službene novine FBiH“ broj 48/08), člana 107. Zakona o radu FBiH ("Službene novine FBiH" broj 43/99, 32/00, 29/03), članova 30., 36., 55. i 56. Statuta broj 4110 05/33 Radio - televizije Federacije Bosne i Hercegovine od 23.11.2007. godine, Odluke Upravnog odbora Radio - televizije Federacije Bosne i Hercegovine o izmjeni Statuta RTVFBiH od 27.12.2010.godine i člana 1. stav 2. Pravilnika o radu RTVFBiH od 18.02.2003.godine, Upravni odbor Radio – televizije Federacije Bosne i Hercegovine je na 129. sjednici, održanoj dana 04.04. 2013.godine, d o n i o:

## **PRAVILNIK O UNUTARNJOJ ORGANIZACIONOJ STRUKTURI RADIO – TELEVIZIJE FEDERACIJE BOSNE I HERCEGOVINE**

### **LOSNOVNE ODREDBE**

#### **Član 1.**

Pravilnikom o unutarjoj organizacionoj strukturi Radio – televizije Federacije Bosne i Hercegovine (u daljem tekstu: Pravilnik; RTVFBiH) uređuju se unutarjna organizaciona struktura RTVFBiH, kriteriji za kreiranje unutarjne organizacione strukture RTVFBiH, organizacione cjeline unutar RTVFBiH, projektna organizaciona struktura, postupak izmjene unutarjne organizacione strukture RTVFBiH, te završne odredbe.

#### **Član 2.**

##### **Unutarjna organizaciona struktura RTVFBiH**

RTVFBiH je poslovno i funkcionalno zaokružena cjelina u kojoj su sublimirane sve međusobno povezane i ovisne obaveze čijim izvršavanjem se realiziraju djelatnosti RTVFBiH određene Zakonom o javnom servisu RTVFBiH i drugim općim aktima.

#### **Član 3.**

##### **Pregled unutarjne organizacione strukture Radio - televizije Federacije Bosne i Hercegovine**

Pregled unutarjne organizacione strukture RTVFBiH je akt u kojem su prikazane sve organizacione cjeline koje čine RTVFBiH.

Pregled se nalazi u prilogu ovog Pravilnika i smatra se njegovim sastavnim dijelom.

#### **Član 4.**

##### **Kriteriji za kreiranje unutarjne organizacione strukture**

Kriteriji po osnovu kojih se kreira unutarjna organizaciona struktura su:

1. Djelatnost RTVFBiH,
2. Potrebe procesa rada,
3. Neophodnost koordinacije i nadzora procesa rada,
4. Troškovi procesa rada,
5. Programska šema,

6. Obim i struktura produciranog i emitovanog programa.

## **II.Organizacione cjeline unutar RTVFBiH**

### **Član 5.**

#### **1.Direkcija RTVFBiH**

Direkciju RTVFBiH čine Kabinet generalnog direktora RTVFBiH, Poslovodni odbor RTVFBiH, te interni kontrolor poslovanja RTVFBiH.

Kabinet generalnog direktora RTVFBiH čine generalni direktor RTVFBiH i zaposlenici koji generalnom direktoru RTVFBiH pružaju administrativn - tehničku podršku u radu.

U organizacionom smislu, Kabinetu generalnog direktora RTVFBiH pripadaju i savjetnici generalnog direktora RTVFBiH.

Generalni direktor RTVFBiH rukovodi procesom rada u RTVFBiH i odgovara za cjelokupno poslovanje RTVFBiH. Nadležnosti generalnog direktora RTVFBiH određene su Zakonom o javnom servisu RTVFBiH i općim aktima RTVFBiH.

Poslovodni odbor RTVFBiH čine generalni direktor RTVFBiH i izvršni direktori RTVFBiH. Rad Poslovnog odbora RTVFBiH predmet je regulisanja Poslovnika o radu Poslovnog odbora RTVFBiH.

Obaveze, ovlaštenja i odgovornosti internog kontrolora poslovanja RTVFBiH predmet su regulisanja Pravilnika o sistematizaciji radnih mjesta RTVFBiH i drugih općih akata RTVFBiH, te ugovora o radu.

### **Član 6.**

#### **2.Sektori**

RTVFBiH se sastoji od četiri sektora:

1. Sektor za Programe RTVFBiH,
2. Sektor Ekonomsko – finansijskih poslova RTVFBiH,
3. Sektor Marketinga RTVFBiH,
4. Sektor Pravnih poslova RTVFBiH.

Odluku o formiranju, odnosno ukidanju sektora kao organizacionih cjelina isključivo je ovlašten donositi Upravni odbor RTVFBiH, a na prijedlog generalnog direktora RTVFBiH, odnosno Poslovnog odbora RTVFBiH.

#### **2.1.Unutarnja organizaciona struktura Sektora za Programe RTVFBiH**

### **Član 7.**

Sektor za Programe RTVFBiH je funkcionalno zaokružena cjelina u kojoj se obavlja uredničko – producerski aspekt procesa rada u RTVFBiH, po osnovu čega se vrše

djelatnosti RTVFBiH vezane za produkciju i emitovanje programa određene Zakonom o javnom servisu RTVFBiH i općim aktima RTVFBiH.

#### **Član 8.**

Sektor za Programe RTVFBiH se sastoji od sljedećih odjela:

1. Odjel za TV program,
2. Odjel za radijski program,
3. Odjel za multimedije,
4. Odjel za produkciju programa.

#### **Član 9.**

##### **2.1.1. Odjel za TV program, Odjel za Radijski program, Odjel za multimedije**

Odjel za TV program je organizaciona cjelina unutar Sektora za Programe RTVFBiH u kojoj se obavlja uredničko – producerski aspekt procesa rada u dijelu koji se odnosi na produkciju i emitovanje televizijskog programa i multimedijalnih sadržaja.

Odjel za Radijski program je organizaciona cjelina unutar Sektora za Programe RTVFBiH u kojoj se obavlja uredničko – producerski aspekt procesa rada u dijelu koji se odnosi na produkciju i emitovanje radijskog programa.

Odjel za multimedije je organizaciona cjelina unutar Sektora za Programe RTVFBiH u kojoj se obavlja uredničko - producerski aspekt procesa rada koji se odnosi na produkciju i plasiranje multimedijalnih sadržaja

#### **Član 10.**

##### **Redakcija**

Odjel za TV program, Odjel za Radijski program i Odjel za multimedije sastoje se od redakcija kao manjih organizacionih cjelina.

Redakcija je organizaciona cjelina unutar odjela u kojoj se realiziraju najsloženiji zadaci uredničko – producerskog aspekta procesa rada koji su unaprijed utvrđeni programskom šemom.

Redakcija se može sastojati od više redakcijskih odsjeka.

#### **Član 11.**

##### **Redakcijski odsjek**

Redakcijski odsjek je organizaciona cjelina unutar redakcije koja predstavlja zaokruženu tematsku cjelinu u kojoj se priprema i realizuje određeni dio uredničko – producerskog aspekta procesa rada.

#### **Član 12.**

Broj i nazivi redakcija koje čine Odjel za TV program, Odjel za radijski program i Odjel za multimedije, kao i broj i nazivi redakcijskih odsjeka koji čine redakcije unutar njih bliže će biti definisani Pregledom unutrašnje organizacione strukture RTVFBiH.

##### **2.1.2. Odjel za produkciju programa**

#### **Član 13.**

Odjel za produkciju programa je organizaciona cjelina unutar Sektora za Programe RTVFBiH u kojoj se obavljaju poslovi realizacije, koordinacije i produkcije programa, poslovi lingvističke i lektorske obrade materijala koji se emituju, te poslovi održavanja i unapređenja tehničkih kapaciteta RTVFBiH.

#### **Član 14.**

Odjel za produkciju programa sastoji se od sljedećih odsjeka kao manjih organizacionih cjelina:

1. Odsjek programske realizacije i koordinacije,
2. Odsjek za tehnički razvoj i produkciju programa,
3. Odsjek za jezike i govor.

Odsjek je organizaciona podcjelina unutar odjela u kojem se obavljaju pretežno istovrsni ili slični poslovi.

### **Unutarnja organizaciona struktura Sektora Ekonomsko – finansijskih poslova RTVFBiH, Sektora Marketinga RTVFBiH i Sektora Pravnih poslova RTVFBiH**

#### **Član 15.**

Sektor Ekonomsko – finansijskih poslova RTVFBiH, Sektor Marketinga RTVFBiH, te Sektor Pravnih poslova RTVFBiH su poslovno i funkcionalno zaokružene cjeline u kojima se obavljaju najsloženiji poslovi iz oblasti ekonomije, marketinga i prava, a kojima se osigurava stručno i blagovremeno obavljanje poslova iz Zakonom o javnom servisu RTVFBiH i Statutom RTVFBiH određenih djelatnosti RTVFBiH.

Sektor iz stava 1. ovog člana podijeljeni su na odjele i odsjeke.

Odjel je organizaciona cjelina u kojoj se obavljaju složeniji poslovi iz domena poslova pojedinog sektora.

Odsjek je organizaciona podcjelina u okviru odjela u kojoj se pretežno obavljaju istovrsni ili slični poslovi.

#### **Član 16.**

### **2.2. Unutarnja organizaciona struktura Sektora Ekonomsko - finansijskih poslova RTVFBiH**

Sektor Ekonomsko - finansijskih poslova RTVFBiH čine sljedeći odjeli i odsjeci:

1. Odjel ekonomsko - finansijskih poslova unutar kojeg egzistiraju Odsjek finansijske operative, Odsjek plana i analize, te Odsjek komercijalnih poslova.
2. Odjel knjigovodstva,
3. Odjel RTV takse unutar kojeg egzistiraju Odsjek obračuna, likvidature, i naplate RTV takse od pravnih lica, Odsjek obrade, evidencije i naplate RTV takse od fizičkih lica, te Odsjek pravnih poslova i poslova revizije RTV takse.

#### **Član 17.**

### **2.3. Unutarnja organizaciona struktura Sektora Marketinga RTVFBiH**

Unutarnju organizacionu strukturu Sektora Marketinga RTVFBiH čine sljedeći odjeli o odsjeci:

1. Odjel za marketing i prodaju unutar kojeg egzistiraju Odsjek za marketing i prodaju oglasnog prostora, programa i sponzorstva i Odsjek za plan i realizaciju marketinga.
2. Odjel za komunikacije i promociju programa RTVFBiH.

#### **Član 18.**

### **2.4. Unutarnja organizaciona struktura Sektora Pravnih poslova RTVFBiH**

Unutarnju organizacionu strukturu Sektora Pravnih poslova RTVFBiH čine Odjel pravnih poslova, Odjel za ljudske resurse i Odjel za javne nabavke.

#### **Član 19.**

### **3. Radno mjesto**

Radno mjesto je najmanji organizacionu oblik u unutarnjoj organizacionoj strukturi RTVFBiH.

Radno mjesto čini skup radnji i poslova koje jedan ili više zaposlenika obavlja u procesu rada.

Radna mjesta, opisi radnih mjesta, te nomenklatura radnih mjesta i broj izvršilaca na pojedinim radnim mjestima bliže su regulisani odredbama Pravilnika o sistematizaciji radnih mjesta RTVFBiH.

#### **Član 20.**

### **4. Odjel interne revizije**

Odjel interne revizije je samostalna organizaciona cjelina unutar RTVFBiH.

Odjel interne revizije za svoj rad odgovara Upravnom odboru RTVFBiH.

Bliže odredbe o Odjelu interne revizije RTVFBiH, njegovim nadležnostima i radu biti će sadržane u Statutu RTVFBiH.

## **III. Projektna organizaciona struktura**

#### **Član 21.**

Unutarnja organizaciona struktura RTVFBiH može se modificirati na osnovu odluke generalnog direktora u slučajevima kada RTVFBiH sudjeluje u realizaciji određenog jednokratnog ili stalnog projekta.

Odlukom generalnog direktora RTVFBiH definiše se projektna organizaciona struktura čije je trajanje vremenski ograničeno trajanjem projekta u čijoj realizaciji sudjeluje RTVFBiH.

#### **Član 22.**

### **Projektni menadžer**

Odlukom generalnog direktora RTVFBiH određuje se projektni menadžer koji odgovara za pravilnu i blagovremenu realizaciju projekta.

Za vrijeme trajanja projekta, projektni menadžer ima rukovodeća ovlaštenja.

## **Član 23.**

### **Projektna skupina**

Projektne skupine čine zaposlenici RTVFBiH, odabrani prema najvišim profesionalnim standardima, zaduženi za realizaciju projekta u kojem sudjeluje RTVFBiH.

Zaposlenici koji čine projektne skupine za vrijeme trajanja projekta za svoj rad odgovaraju projektom menadžeru.

Po okončanju projekta, zaposlenici koji su raspoređeni u projektne skupine vraćaju se na radna mjesta u matičnim organizacionim cjelinama unutar RTVFBiH ili na druga radna mjesta određena Pravilnikom o sistematizaciji radnih mjesta RTVFBiH za koja ispunjavaju posebne uslove radnog mjesta.

## **Član 24.**

### **Postupak izmjene unutarnje organizacione strukture RTVFBiH**

Prijedlog za izmjene unutarnje organizacione strukture daju generalni direktor RTVFBiH i Poslovodni odbor RTVFBiH.

Odluku o formiranju manjih organizacionih cjelina donosi generalni direktor RTVFBiH.

O formiranju, odnosno ukidanju sektora kao najvećih organizacionih cjelina unutar RTVFBiH odluku, na prijedlog generalnog direktora RTVFBiH ili Poslovnog odbora RTVFBiH, isključivo donosi Upravni odbor RTVFBiH.

Usklađenost prijedloga izmjene unutarnje organizacione strukture sa pozitivnopravnim propisima i potrebama procesa rada unutar RTVFBiH provjerava Sektor Pravnih poslova RTVFBiH, a za izradu nacrtu akata kojima se vrše izmjene unutarnje organizacione strukture RTVFBiH nadležan je Odjel za ljudske resurse.

## **IV.Završne odredbe**

## **Član 25.**

### **Izmjene i dopune Pravilnika o unutarnjoj organizacionoj strukturi RTVFBiH**

Izmjene i dopune Pravilnika mogu se vršiti isključivo u proceduri koja je predviđena za njegovo donošenje.

## **Član 26.**

### **Prestanak važenja ranijih akata kojima je regulisana unutarnja organizaciona struktura RTVFBiH**

Danom stupanja na snagu ovog Pravilnika prestaju važiti sljedeći opći akti RTVFBiH: Pravilnik broj 4110 – 05/10 o unutarnjoj organizacionoj strukturi RTVFBiH od 15.05.2007.godine, Prikaz unutarnje organizacione strukture RTVFBiH broj 4110 – 04/2 od 04.02.2008.godine, Unutarnja organizaciona struktura RTVFBiH broj 4110 - 04/116 od 21.12.2010.godine, Pravilnik broj 4110 – 04/126 o unutarnjoj organizacionoj strukturi RTVFBiH od 27.12.2010.godine, Organizaciona struktura RTVFBiH broj 4110 – 04/125 od

27.12.2010.godine, Pravilnik broj 4110 - 09/86 o unutarnjoj organizacionoj strukturi RTVFBiH od 30.11.2011.godine, te Pregled unutarnje organizacione strukture RTVFBiH broj 4110 - 09/87 od 30.11.2011.godine.

#### Član 27.

##### **Stupanje na snagu i objava Pravilnika**

Pravilnik o unutarnjoj organizacionoj strukturi RTVFBiH stupa na snagu sa danom donošenja.

Isti se objavljuje na oglasnoj ploči RTVFBiH u prostorijama RTV doma i primjenjuje se od dana objave.

Broj: 4110 - 15/34

U Sarajevu, 05.04. 2013.godine



Za Upravni odbor RTVFBiH

Goran Samardžić, predsjedavajući

Ovaj Pravilnik objavljen je na oglasnoj ploči RTVFBiH u prostorijama RTV doma dana 17.04. 2013.godine.